



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

X. Decreta circa alternativam in Provincia S. Nicolai Min. de Observ.  
Reformat.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



sis, confirmatis, & innovatis. Quibus omnibus, & singulis, illorum tenores, presentibus pro plene, & sufficienter expressis, ac ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

S. 4. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae ipsis praesentibus haberetur, si forent exhibitae, vel ostensae.

Datum Romae apud S. Petrum sub Annulo Piscatorum die XI. Aprilis MDCXCII. Pontificatus nostri Anno Primo.

X. Confirmantur Decreta circa alternativam inter Fratres Minores S. Francisci de Observ. Reformatos Provinciae S. Nicolai.

Extant alia alternativae In. XI. Const. ed. 1688.  
Jun. 3. Pont. 12. in electione Commissarii. Et pro Provinciae Januensis hujus Pontif. Const. ed. Jan. 7. P. 5.

Dat. 17. Maji  
1692. An. 1.

### INNOCENTIUS PAPA XII.

Ad perpetuam rei memoriam.

EXponi nobis nuper fecit dilectus filius modernus minister Provincialis Provinciae S. Nicolai Ordinis Fratrum Minorum S. Francisci de Observantia Reformatorum nuncupatorum, quod alias dilectus pariter filius Joannes ab Aquila Frater expresse professus dicti Ordinis, cum in eadem Provincia, quae in duas partes, videlicet Baren. & Licien. divisa reperitur, munere Commissarii Visitatoris fungeretur, dissensiones componere, & inconvenientibus, quae inter Fratres Provinciae hujusmodi Capitularium, aliarumque similibus electionum occasione oriebantur, occurrere cupiens, pro communi ipsius Provinciae beneficio, & quiete, concordiam quandam, seu Alternativam ab omnibus dictae Provinciae vocalibus legitime ad id Congregatis firmari, & acceptari, ac unanimi omnium consensu subscribi curavit per Decretum Capituli Provincialis in Conventu Tarentin. Sancti Antonii die 6. Aprilis 1690. desuper emanatum tenoris, qui sequitur, videlicet: Decretum Provinciale. Cum toti huic Provinciae Strict. Observantiae S. Nicolai universalis rumor acceperit paci consulendae, pietati firmandae, jurgis, dissidiisque totam Provinciam vagantibus. Quippe plausu, & omnium Religiosorum, consensu desiderare non desistit, ut Provincia aequa justitia gubernetur, & partium causa ad Tribunal Eminentissimi Domini nostri Alderani Cybo vigilantis Protectoris, atque Reverendissimi Patris nostri Caroli Francisci de Varese dignissimi Commissarii Generalis devolvenda scrutinio deliberaretur, ut in posterum dissidia cederent, & Barenfis Religiosorum Pars, atque Licienfis invicem ne altercari audeat magno saecularium scandalo, Strict. Observantiae detrimento, ideo Adm. R. P. Joannes ab Aquila in hac Divi Nicolai Provincia actualis Commissarius Visitator auditis omnium utriusque partis vocibus, & toto animo stabilimentum communi paci investigans, ipsemet non alio desiderio ardens, nisi jurgia abolere, nisi pacem firmare, nisi justitiam consulere, tandem certiores redditu Eminentissimus Protector, & Reverendissimus Pater Commissarius Generalis praefati, eidem Commissario Visitatori Decreto transcripsit, ut videre est in

calce. Nos Fr. Carolus Franciscus de Varese &c. & sub sine omnes adamussum observent. Cum voto Eminentissimi Domini nostri Protectoris ipse Pater Commissarius Generalis magna cum prudentia, & justitia ad officia ipsius Provinciae obeunda Alternativam transmisit, omni justitiae consonam praecipiendo in virtute S. Obedientiae, & sub poenis contra inobedientes, & rebelles a legibus taxatis. Inde P. Commissarius Visitator perpensis mature omnium desiderijs, decretum R. P. Commissarii Generalis publicat, & ejus mentem in hoc nostro Provinciali decreto firmare decernit, quam videre est in originali decreto citato, ut supra; Alternativam (sic ajens) Provincialatus ejusdem Provinciae ponendam, stabilendam, atque in perpetuum figendam esse judicamus inter Patres, seu Religiosos Partium, Nationum, seu Provinciarum Barenfis, & Licienfis. Unde Adm. RR. PP. Commissarii, & Judex Ministri Provincialis cum PP. Diffinitorii, & vocalibus Provinciae ad Comitium Provincialia convocatis, talem Alternativam toto animo acceptare desiderantibus, ita quod in quibuslibet Comitibus Provincialibus, seu Capitularibus congressibus, Pars Licienfis habeat in Diffinitorio tres satisfactiones, & etiam tres Pars alia Barenfis tali ordine, & pars Licienfis, tanquam copiosior fratribus, & Conventibus successive per duas vices habeat Provincialatus officium, ipsum habere incipiendo a proximo imminente Capitulo, cum adscriptione duorum rationalium PP. in Diffinitorio, ideoque in singulos novenos annos Pars Barenfis habeat semel Provinciale cum duobus Diffinitoriis, & alio sexennio Custodes cum Diffinitoriis, binis, in unoquoque triennio: Sic Licienfes per consequens habeant reliqua in Diffinitorio officia. Praeterea disponere etiam volumus Guardianatus pro eisdem Provinciae communi pace, & sine offensione Justitiae distributivae, ita quod Patres Barenfes duodecim habeant Guardianias, ne autem summa inaequalitas videatur in Electionibus futurorum Capitularum, volumus duas alias Guardianias addi Parti Barensum, ita quod duo alii Guardiani eligantur a Barensibus ad ipsorum satisfactionem, sed eligendi sint natione Licienfes, usque dum Conventus ab ipsis recipiendi ad aequalem numerum pervenerint Conventuum Licienfium. Si vero in futurum Conventus Barenfes, Licienfium numerum excederint ad aequalitatem in utramque partem deductum iri censemus. Quapropter Partem Barensem duodecim Guardianias consecram praescribemus Geografae, & secundum naturam per divisionem, vulgo *la Gravina di Castellanera*, & Provinciam Liciensem a Castellanera exclusive usque ad Praesidium. Pariformiter, ut radicatus omnis dissensionis fomentum tollatur in receptione Novitiorum, quae indifferenter fieri debet, praecipimus, ut de receptis, & approbatis intra numerum solum a Sacra Congregatione concedi pro quolibet anno duodecim Juvenes, octo Clerici, quatuor Laici de melioribus respective pro parte Barenfi recipiantur ad habitum, & Professionem; Reliqui vero pro complemento numeri praefixi a Sacra Congregatione ex alia parte tanquam numerosiori vestiantur. Unde consulto Adm. RR. PP. Commissarius Visitator, & Judex, Minister Provincialis, Custos, & PP. omnes Diffinitores, quam Vocales, ad pedes Eminentissimi Protectoris, & R. P. Commissarii Generalis subjicientes unanimi consensu, quo majori favore deprecantur vota prosequi dignentur, pro majoris roboris validitate apud Sac. Congregationem Cardinalium Decreto obsignari. Et quae in hoc Decreto praescribuntur ab omnibus in futurum adamussum observentur, sub poena nullitatis Electionum, quae in contrarium oriri possint. Datum Tarenti in loco nostro

Institutio al  
ternativa.

Decretum  
Provinciale.



Subscriptio-  
nes.

co. nostri Discretorii Conventus S. Antonii tempore Comitiorum Provincialium die 6. Aprilis 1690.

Ego Fr. Thomas a Matera Lector Theologiae Provinciae Baren. acceptavi, ut supra.

Ego Fr. Franciscus a Vellis Lector Sacrae Theologiae Provinciae Lucensis acceptavi, ut supra.

Ego Fr. Theodorus a Tarento Lector Sacrae Theologiae Provinciae Licienfis acceptavi, ut supra.

Ego Fr. Cherubinus a Nerito Lector Sacrae Theologiae Provinciae Licien. acceptavi, ut supra.

Ego Fr. Seraphinus a Turo Theologus Generalis Guardianus, & Vocalis Provinciae Baren. acceptavi, ut supra.

Ego Fr. Franciscus Maria Valenzano Theologus Guardianus, & Vocalis acceptavi, ut supra.

Ego Fr. Franciscus a Gravina Provinciae Barenfis Vocalis acceptavi, ut supra.

Ego Fr. Franciscus a Cellerario Provinciae Baren. acceptavi, ut supra.

Ego Fr. Bonaventura a Brisuto Provinciae Barenfis Theologus Guardianus acceptavi, ut supra.

Ego Fr. Franciscus a Turre Lector Provinciae Licienfis acceptavi, ut supra.

Ego Fr. Antonius ab Alliste Provinciae Licienfis Guardianus Vocalis acceptavi, ut supra.

Ego Fr. Bernardus a Sancto Vito Provinciae Licienfis acceptavi, ut supra.

Ego Fr. Bonaventura a Gallipoli Provinciae Licienfis Guardianus acceptavi, ut supra.

Ego Fr. Antonius a Nucibus Guardianus Provinciae Baren. acceptavi, ut supra.

Ego Fr. Bartholomaeus a Castellaneta Guardianus Provinciae Barenfis acceptavi, ut supra.

Ego Fr. Antonius a Crinola Guardianus Provinciae Baren. acceptavi, ut supra.

Ego Fr. Angelus a Criptaliis Guardianus Provinciae Licienfis acceptavi, ut supra.

Ego Fr. Bonaventura a Castellaneta Guardianus Provinciae Barenfis, acceptavi, ut supra.

Ego Fr. Joseph Maria a Francavilla Guardianus Provinciae Licienfis acceptavi, ut supra.

Ego Fr. Bernardus a Gravina Guardianus Provinciae Baren. acceptavi, ut supra.

Ego Fr. Joannes a Bario Guardianus Provinciae Baren. acceptavi, ut supra.

Ego Fr. Joannes a Castelletto Guardianus Provinciae Baren. acceptavi, ut supra.

Ego Fr. Franciscus a Leghis Guardianus Provinciae Licien. acceptavi, ut supra.

Ego Fr. Antonius a Castro Graecor. Guardianus Provinciae Licien. acceptavi, ut supra.

Ego Fr. Nicolaus Guardianus Provinciae Baren. acceptavi, ut supra.

Ego Fr. Ludovicus a Mandurio Exdiffinitor, & Guardianus Provinciae Licien. acceptavi, ut supra.

Ego Fr. Jacobus ab Altamura Exdiffinitor, & Guardianus Provinciae Baren. acceptavi, ut supra.

Ego Fr. Bonaventura ab Altamura Exdiffinitor, & Guardianus Provinciae Baren. acceptavi, ut supra.

Ego Fr. Bernardus a Cequois Exdiffinitor Provinciae Licien. acceptavi, ut supra.

Ego Fr. Angelus a Solero Exdiffinitor Provinciae Licien. acceptavi, ut supra.

Ego Fr. Joannes a Turo Guardianus Barenfis acceptavi, ut supra.

Ego Fr. Antonius a Brundasio Diffinitor actualis Provinciae Licien. acceptavi, ut supra.

Ego Fr. Antonius a Malleis Diffinitor actualis

Provinciae Licien. acceptavi, ut supra.

Ego Fr. Bonaventura a Francavilla Diffinitor actualis Provinciae Licien. acceptavi, ut supra.

Ego Fr. Antonius a Jonia Diffinitor actualis Provinciae Licien. acceptavi, ut supra.

Ego Fr. Honuphrius Custos actualis Provinciae Licien. acceptavi, ut supra.

Ego Fr. Laurentius a Licio Guardianus ex-Minister Provincialis Licien. acceptavi, ut supra.

Ego Fr. Honuphrius a Cannato Minister Provincialis Provinciae Baren. acceptavi, ut supra.

Ego Fr. Joannes ab Aquila Commissarius Visitator.

§. 1. Et subinde dilectus etiam filius Carolus Franciscus de Varese tunc temporis Commissarius Generalis dicti Ordinis Decretum praesertim confirmavit, ac observari mandavit per suum pariter Decretum tenoris sequentis nempe: Decretum confirmationis. Ex debito pastoralis officii paci, & tranquillitati nostrae Reformatae Provinciae S. Nicolai Barenfis consulentes. Alternativam in retroscripto Instrumento descriptam, & in pleno Capitulo celebrato Tarenti die 6. Aprilis 1690. examinatam, propriis subscriptionibus firmatam, & acceptatam a Patribus Vocalibus unanimi consensu, & communi omnium latitia, in executione ponendam, stabiliendam, atque in perpetuum figendam esse judicamus inter Patres, seu Religiosos Partium, Nationum, seu Provincialium Barenfis scilicet, & Licienfis, ideo tenore praesentium praefatam Alternativam, prout in dicto Instrumento jacet extensam praesigimus, stabilimus, & confirmamus tanquam rationabilem, atque secundum Justitiae distributivae praescriptum, majorique pacis, ac tranquillitatis augmento accommodatam, nec non fixam, approbatam, & confirmatam conditione, serie, & ordine superius expresso volumus haberi ab omnibus ejusdem Provinciae, tam Superioribus, quam Subditis praecipientes in virtute S. Obedientiae, & sub poenis contra inobedientes, & rebelles a legibus taxatis, & in omnibus Capitulis, Congregationibus, & Congressibus in posterum faciendis, quae in ea praescripta sunt omnes inviolabiliter observent, nec contra praefata aliquid attentare praesumant sub poena excommunicationis ipso facto incurrenda. Datum ex nostro Aracalitano Conventu de Urbe hac die 26. Aprilis 1690. -- Fr. Carolus Franciscus de Varese Commissarius Generalis -- De Mandato S. P. Reverendissimae -- Fr. Innocentius de Criptis Secretarius.

§. 2. Ac demum Ven. Frater noster Alderanus Episcopus Ostien. S. R. E. Cardinalis Cybo nuncupatus dicti Ordinis apud Nos, & Sedem Apostolicam Protector suum quoque Decretum super praemissis edidit tenoris, qui sequitur, videlicet: Alderanus miseratione Divina Episcopus Ostien. S. R. E. Cardinalis Cybo Sacri Collegii Decanus, ac totius Ordinis S. Francisci apud S. Sedem Protector. Cum retroscriptae conventiones, & pacta pro concilianda, & stabilienda Religiosorum pace, & quiete in Provincia Reformatae S. Nicolai de consensu totius Capituli Provincialis decreta fuerint, nec non per Commissarium Generalem approbata, & confirmata: Nos hujusmodi pacem, tranquillitatemque summo cupientes praenarratas conventiones, Decreta, pacta, Alternativam auctoritate qua fungimur Protectoris confirmamus, & approbamus, non solum praemisso, sed etiam meliori modo. Praecipientes omnibus, & singulis Superioribus, & Subditis praefatae Provinciae, & quibuscumque aliis districte in virtute S. Obedientiae, ne in posterum quovis praetextu, aut quaesito colore directe, vel indirecte contra praedictum concordatum, & alternativam aliquid innovare, aut attentare praesumant, sed prout jacent eam servent, & execu-

Decretum  
Commissarii  
Gen.Decretum  
Card. Protec-  
toris.



tionem mandent, nedum sub pœnis in Decreto Commissarii Generalis, sed nullitate omnium actuum, aliisque arbitrio nostro, & pro tempore existentis Protectoris infligendis. Non obstantibus &c. Datum Romæ hac die 16. Martii 1690. A. Cardinalis Cybo Protector.

Preces Ministri Provincialis.

§. 3. Cum autem sicut eadem expositio subiungebat, dictus Minister Provincialis Decreta huiusmodi, quo firmiter subsistant, & serventur exactius, Apostolica confirmationis nostræ patrocinio communitur summopere desideret: Nos specialem ipsi Ministro Provinciali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, & attentis dicti Alderani Episcopi Cardinalis, & Protectoris, ac dilecti pariter filii moderni Commissarii Generalis Ordinis huiusmodi relationibus ad eosdem Cardinales transmissis, Decreta præinserta a memoratis Capitulo Provinciali, ac Carolo Francisco tunc Commissario Generali, & Alderano Episcopo, Carolo & Protectore edita, ut præfertur, cum omnibus, & singulis in eis respective contentis auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, salva tamen in præmissis auctoritate Congregationis eorumdem Cardinalium.

Confirmatio relocatorum Decretorum.

Clausula.

§. 4. Decernentes eadem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari, & ab illis respective inviolabiliter observari: sicque in præmissis per quoscumque Judices ordinarios, & Delegatos etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, nec non quatenus opus sit Provinciæ, & Ordinis prædictorum, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes illis alias in suo robore permanentibus hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub annulo Piscatoris die XVII. Maji MDCXCII. Pontificatus nostri Anno Primo.

XI.

Conceditur Ministro Generali Tertii Ordinis Sancti Francisci facultas conferendi Doctoratus Lauream suis Religiosis.

Dat. 17. Maji 1692. An. 1.

INNOCENTIUS PAPA XII.

Ad futuram rei memoriam.

Causæ hujus Constitutionis.

EXponi Nobis nuper fecit dilectus filius Joannes Locatus a Bergamo Prior Generalis Fratrum Tertii Ordinis Sancti Francisci, quod

cum ex præscripto Constitutionum dicti Ordinis præsertim illarum, quæ a fel. rec. Innocentio PP. X. prædecessore nostro per quasdam suas in simili forma Brevis die 6. Novembris 1648. emanatas literas in forma specifica confirmata fuerunt, illi qui ex Ordine huiusmodi Doctoratus, seu Magisterii lauream susceperunt, debeant prius Philosophiam per triennium legere, & deinde onere Sacram Theologiam per quadriennium legendi indispensabiliter suscepto, literas patentes a Ministro Generali pro tempore existente Ordinis præfati obtinere, quarum subinde vigore in aliqua publica studii generalis Universitate se præsentantes, laurea huiusmodi decorantur, non pauci circa præmissa abusus irrepererunt, multi quidem adepta laurea huiusmodi quadriennem ejusmodi Sacre Theologiæ lecturam negligunt, alii vero etiam ipsa triennali Philosophiæ lectura eo quod, aut labores reformident, aut se se ad id inhabiles agnoscant, penitus, vel in parte omissa, literas patentes supradictas præpotenti Patronorum interposita opera, & auctoritate, de manibus dicti Ministri Generalis extorquent, & inde in publicis studiorum generalium universitatibus, ubi nonnumquam magis lucrum, quam virtutis meritum respicitur, Doctoris, seu Magistri titulo decorantur, sicque privilegiis alias, non nisi vere Magistris, seu Doctoribus competentibus gaudent, in maximam studiorum iacturam, & aliorum antiquiorum Sacerdotum dicti Ordinis præjudicium, ac non sine evidenti religiôsæ paupertatis detrimento; quandoquidem isti sic laureandi notabiles pecuniarum summas in Ordine supradicto colligunt, illasque sic collectas foris expendunt, & distrahant.

Preces Ministri, & Procuratoris Gen.

§. 1. Cum autem sicut eadem expositio subiungebat dictus Joannes Procurator Generalis abusus huiusmodi tolli, viamque illis in posterum præcludi plurimum desideret, Nobis propterea idem Joannes Prior Generalis etiam nomine dilecti filii Jacobi Guidotti a Bononia Ministri Generalis ejusdem Ordinis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ejusdem Joannis Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, huiusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, & attenta relatione Venerabilis Fratris nostri Alderani Episcopi Ostien. S. R. E. Cardinalis Cybo nuncupati dicti Ordinis apud Nos, & Sedem Apostolicam Protectoris præfatis Cardinalibus qui etiam dictum Jacobum Ministrum Generalem audiverunt, facta, eidem Jacobo, & pro tempore existentis Ministro Generali Ordinis huiusmodi facultatem privative quoad omnes alios conferendi doctoratus, seu Magisterii lauream fratribus in dicto Ordine professis, qui antea Philosophiam per tres, & super omnibus libris sententiarum Sacram Theologiam per alios quatuor annos laudabiliter legerint, & docuerint, ac duabus saltem publicis Conclusionibus præfererint, & subinde ab eodem Ministro Generali, Procuratore Generali, vel isto absente ab uno per eum deputando, qui prædictus sit qualitatibus in cæteris examinationis, ut infra requisitis, necnon tribus alijs ejusdem

Concessio prædictæ facultatis sub certis conditionibus.

Ordi-